

28 SEP 2000

MENTERI HAJI ARAB SAUDI TIBA UNTUK PERSIDANGAN PANDUAN HAJI

KUALA LUMPUR, 28 Sept (Bernama) -- Menteri Haji Arab Saudi Dr Iyad Ameen Madani yang mengetuai 100 perwakilan tiba di sini malam ini untuk menghadiri Persidangan Pandun Haji yang pertama di sini, malam ini.

Persidangan itu yang bertujuan memandu bakal-bakal haji ke Mekah akan dirasmikan oleh Perdana Menteri Datuk Seri Dr Mahathir Mohamad, Sabtu ini.

Ketibaan beliau dan rombongan di Lapangan Terbang Antarabangsa Kuala Lumpur disambut oleh Menteri di Jabatan Perdana Menteri Datuk Paduka Dr Abdul Hamid Othman.

Mereka juga disambut oleh sekumpulan belia yang memakai pakaian tradisional dan membawa sirih junjung, bunga manggar dan kompong.

Esok, kedua-dua menteri itu akan menyertai pembukaan pameran berhubung dengan haji dan perasmian pusat media persidangan itu di Hotel Palace of the Golden Horses, dekat sini.

Dr Iyad juga dijadual mengunjungi Perdana Menteri Datuk Seri Dr Mahathir Mohamad di Putrajaya esok.

Pada persidangan tiga hari itu, Dr Iyad terlibat memberikan ucapan pada majlis pembukaan dan penutup, serta membentangkan kertas kerja mengenai haji.

-- BERNAMA
NHA MNY ZB